

Opetimsko rifece

JP „Veterinarska stanica“d.o.o. Maglaj

FEDERACIJA BOSNE I HERCEGOVINA
OPĆINA MAGLAJ
Služba za bivaljko-fornitvnu i sanitarnu zaštitu
gadu uprave i društvenih djelatnosti

PRINJESU	18.02.2021.		
Org. jedinica	Klasif. oznaka	Redni broj	Broj prijema
		11037	

**PLAN I PROGRAM RADA
JP „VETERINARSKA STANICA“d.o.o. Maglaj
ZA 2021. GODINU**

Maglaj, februar 2021. godine

PLAN I PROGRAM RADA J.P. VETERINARSKA STANICA MAGLAJ D.O.O.
za 2021.godinu

J.P. Veterinarska stanica Maglaj nastaviti će sa aktivnostima zdravstvene zaštite životinja kao i u proteklom periodu. Obzirom da je u protekle 3 godine došlo do drastičnog smanjenja stočnog fonda na teritoriji općine Maglaj te da su neke od farmi potpuno ugašene tako i veterinarska stanica iznalazi rješenja da svoju aktivnost preusmjeri na druge izvore prihoda što je i rađeno u posljednjoj godini. Moramo naglasiti da je kao uostalom i na ostatak privrede Covid-19 pandemija imala značajan negativni uticaj na rad i poslovanje i daljnji razvitak veterinarske službe na našoj općini.

Iz naših finansijskih rezultata za 2020 nije uočljivo lošije finansijsko stanje ali je po programu rada dosta otežalo i onemogućilo realizaciju plana iz 2020. Nismo uspjeli da realizujemo plan koji smo zacrtali u početku 2020 te se iskreno nadamo da ćemo uspjeti realizirati ga u 2021. Ovdje spomenuto uglavnom se odnosi na saradnju sa fondacijom Dog Trust čiji nam je projekat odložen zbog novonastale situacije sa Covid pandemijom i na polju vakcinacije malih preživara zbog nedovoljnog broja vakcine koju smo dobili u 2020. Započeta edukacija kadrova u okviru projekta Dog Trust prekinuta je i odložena za juni 2021.

- Plan ostvarivanja dijagnostičkih ispitivanja na brucelozu i enzootsku goveđu leukozu krupnih preživara planiramo održati na nivou iz prethodnih godina.

Planom smo zacrtali ispitati oko 700 grla krupne stoke na ove dvije bolesti. Ove aktivnosti usko su vezane za Ured za Veterinarstvo BiH koje snosi troškove dijagnostičkih i laboratorijskih ispitivanja, Planom je obuhvaćen obim ovih aktivnosti na nivou 2020.god jer obim ovih dijagnostičkih ispitivanja određuje Federalno ministarstvo poljoprivrede.

- Plan ostvarivanja dijagnostičkih ispitivanja na TBC goveda

U 2020. God planiramo ispitati i oko 1000 goveda na tuberkulozu goveda. Planirani obim ovih ispitivanja je za 20% veći od ostvarenih rezultata u 2020 i dijelom će ga financirati Federalno ministarstvo poljoprivrede a dijelom ćemo ga sprovesti o trošku vlasnika farmi tovnih junadi.

- Uz ove aktivnosti sprovesti ćemo potpunije obilježavanje životinja sa ažuriranjem brojnog stanja broja goveda na terenu tako da ćemo imati potpuniju sliku stočnog fonda na teritoriji općine Maglaj.
- Plan sprovođenja dijagnostičkih ispitivanja na brucelozu i vakcinaciji malih preživara u 2021. god

Situacija sa Covid 19 pandemijom uveliko je imala uticaj na ostvarivanje plana vakcinacije malih preživara protiv bruceloze jer Ured za veterinarstvo nije uspio obezbijediti dovoljan broj vakcine za potrebe vakcinacije te shodno tome nismo uspjeli ostvariti planirani obim vakcinacije malih preživara u 2020 god . Planom i programom vakcinacije za 2021. Nastojat ćemo nadoknaditi manjak iz 2021 i izvršiti vakcinaciju novorođenog podmlatka u 2021. God. . O obimu ovih aktivnosti ne bi mogli dati detaljnije informacije jer obim ovih aktivnosti bit će kao i u 2020 vezan za Ured za veterinarstvo. U vrijeme potpisivanja ovog Plana možemo samo reći da već na „čekanju“ za vakcinaciju imamo oko 1000 grla. Samo da pomenemo da smo u posljednje dvije godine imali sporadičan broj ovaca oboljelih od bruceloze na našoj općini. Mislimo da nam je realan cilj vakcinacije jagnjadi za 2021god. Oko 1500 grla.

- Plan suzbijanja i iskorjenjavanja bolesti pčela

U 2021. god nastavit ćemo inače u zadnje dvije godine dobru saradnju sa Udruženjem pčelara općine Maglaj i nastojati da prevaziđemo probleme s kojima smo se susretali u 2020.(bolest Američke gnjiloće pčelinjeg legla) Izvršit ćemo klinički pregled svih pčelinjih zajednica i pokušati povećati broj laboratorijskih pretraga na brzo otkrivanje ovih pčelinjih zaraza te pokušati identificirati napuštene , sumnjive i oboljele pčelinjake.

- Plan vakcinacije i uvođenja u jedinstveni registar kućnih ljubimaca

Ovo je dio aktivnosti koje smo u 2020 posvetili mnogo više pažnje nego u dosadašnjem periodu i ostvarili jako dobre rezultate. Pokušat ćemo u cijelosti sprovesti akciju obaveznog označavanja i identifikacije kućnih ljubimaca (čipovanja) i realizirati broj od 1000 čipovanih i vakcinisanih pasa na našoj općini.

- Plan ostvarivanja usluga vještačkog osjemenjavanja i liječenja životinja

Bili bismo zadovoljni ako rezultati ove dvije vrste pruženih veterinarskih usluga budu na razini iz 2020. god.

- Uz ove redovne aktivnosti obavljat ćemo stalne veterinarsko zdravstvene nadzore nad objektima za klanje životinja te prerade mesa.

Ovo bi bile u kratkim crtama najznačajnije stavke plana i programa veterinarske stanice Maglaj za 2021 god i koji ima i realne osnove da u pretstojećem periodu bude realizovan.

- Uz ove aktivnosti imamo i plan da se u najskorije vrijeme pristupi u organizaciju Dog-Trust. Obzirom da se od ove godine ova organizacija pojavljuje prvi put na prostoru ZE-DO Kantona aplicirat ćemo kako bi ušli u veliku porodicu ove organizacije.

- Od aktivnosti na poboljšanju uslova rada i opremljenosti planiramo osposobiti rashladnu komoru za prihvata i pregled nakon odstrela trupova divljači te dobijanje veterinarsko kontrolnog broja za istu čime bi usluge Vet. stanice Maglaj prema LD-u „SOKO“ Maglaj bile upotpunjene.

- Nastavljamo sa opremanjem hiruške sale i prostorije za rekonvalescenciju životinja nakon operativnih zahvata. Pored ovoga počat ćemo izgradnju prve faze skloništa za prihvata pasa lualica i napuštenih pasa sa pratećim tretmanom za iste. Obzirom da J.P. Veterinarska stanica Maglaj ove radove i ulaganja isključivo financira iz svojih sredstava nadamo se da ćemo uspjeti do kraja proljeća ove radove i okončati i staviti u funkciju.

Mislimo da Plan i program rada za 2021. imaju realne osnove za realizaciju.

Maglaj 17.02.2021.



DIREKTOR

Šehović Amer DVM